

VII Godišnja profesionalna konferencija tijela za kontrolu rada policije i antikorupcijskih organa država članica EU

HELSINKI, 12 – 14. decembar 2007.

Helsinška deklaracija 2007.

Šefovi i ključni predstavnici nacionalnih tijela za kontrolu rada policije, kao i šefovi i ključni predstavnici nacionalnih antikorupcijskih organa država članica EU i država posmatrača sastali su se u Helsinkiju od 12 – 14. decembra 2007., na svojoj VII Godišnjoj konferenciji. Šefovi i ključni predstavnici nacionalnih tijela za kontrolu rada policije, kao i šefovi i ključni predstavnici nacionalnih antikorupcijskih organa država članica EU pozdravljaju rezultate koji su postignuti proteklih godina i izjavljuju slijedeće:

Izražavajući svoju zahvalnost finskom ministru unutrašnjih poslova za preuzimanje inicijative organizovanja Konferencije i duboko se zahvaljujući na srdačnoj gostoljubivosti koja je Konferenciju učinila prepoznatim uspjehom;

Podsjećajući na Bečku deklaraciju iz 2004, Lisabonsku deklaraciju iz 2005. i Budimpeštansku deklaraciju iz 2006;

Pozdravljajući činjenicu da je EPAC razvio sveobuhvatnu strukturu u proteklih nekoliko godina, koja je kulminirala tokom 2006/2007. kada su evropska nacionalna tijela za kontrolu rada policije i antikorupcijski organi aktivno učestvovali u raznovrsnim aktivnostima u okviru Mreže, uključujući i u radu četiri radne grupe, što je takođe doprinijelo uspjehu Konferencije;

Cijeneci učešće posmatrača relevantnih organizacija iz Albanije, Hrvatske, Crne Gore i Srbije i radujući se intenziviranju svoje plodne saradnje sa ovim organizacijama;

Naglašavaju potrebu da se nacionalnim tijelima za kontrolu rada policije i antikorupcijskim organima da potrebna nezavisnost, u skladu sa fundamentalnim principima nacionalnih pravnih sistema. Ova nezavisnost se može razviti i održati, *inter alia*, kroz dovoljan nivo razdvajanja od hijerarhije struktura koje potpadaju pod djelokrug nadležnosti nacionalnih tijela za kontrolu rada policije i antikorupcijskih organa;

Unapređuju saradnju između radnih grupa angažovanih na razvijanju minimalnih standarda za kontrolu rada policije i zajedničkih standarda i najboljih praksi za borbu protiv korupcije, nastojeći da osiguraju da stavovi o nezavisnosti, odgovornosti, finansiranju i resursima nađu svoje mjesto u oba predmeta rada kako bi se osigurala konzistentnost i sinergija;

Izjavljuju nadalje da posebno zakonodavstvo, adekvatna budžetska sredstva i potpun pristup od strane opšte javnosti predstavljaju vrijedan način da se poboljša rad, ali i odgovornost i kredibilitet nacionalnih tijela za kontrolu rada policije i antikorupcijskih organa;

Nastavljaju da podržavaju razvoj minimalnih standarda za nacionalna tijela za kontrolu rada policije, pri čemu će u središtu pažnje u 2008. godini biti promovisanje i usvajanje standarda od strane organizacija članica, ističu *inter alia* slijedeće važne ciljeve nacionalnih tijela za kontrolu rada policije:

- Osigurati poštovanje vladavine prava i ljudskih prava u svim policijskim aktivnostima;
- Osigurati otvorenost, transparentnost, nepristrasnost i integritet u svim sistemima napravljenim radi kontrole rada policije;
- Zaštititi i čuvati prava i legitimne interese svih aktera;
- Pozitivno uticati na policijske prakse kroz pripremu i informisanje o "naučenim lekcijama" tokom policijske nastave.

Nastavljajući podršku razvoju zajedničkih standarda i najboljih praksi za antikorupcijske organe, pri čemu će u središtu pažnje u 2008. godini biti promovisanje i usvajanje standarda od strane organizacija članica, ističu *inter alia* slijedeće važne ciljeve antikorupcijskih organa:

- Osigurati otvorenost, transparentnost, nepristrasnost i integritet u svim sistemima napravljenim radi antikorupcijskih aktivnosti;
- Razviti sveobuhvatni "trostubi" pristup u borbi protiv korupcije, tj. obrazovanje, prevencija, represija. Tamo gdje ove funkcije nisu koncentrisane u jednoj instituciji, predanost saradnji sa drugim nadležnim organima je od najveće važnosti;
- Lobirati za usvajanje nacionalnih strategija i programa za borbu protiv korupcije, kao i za veći nivo nacionalnog dijaloga i saradnje između svih aktera kao sredstva da se ujedine antikorupcijske snage i stvore sinergije;
- Obrazovanje: podizati javnu svijest među rizičnim grupama, kao i u odnosu na opštu javnost;
- Prevencija: Pripremiti praktično antikorupcijsko iskustvo i upoznati sa njim zakonodavnu i izvršnu vlast;
- Represija: Povećati efikasnost kroz specijalizaciju i obuke.

Saglašavaju se da sarađuju u identifikovanju okolnosti pod kojima zajednički radni principi između nacionalnih tijela za kontrolu rada policije i antikorupcijskih organa iz cijele Evrope mogu biti poboljšani;

Srdačno pozdravljaju pokretanje Međunarodne mreže za nezavisnu kontrolu rada policije (INIOP), uključujući i pro-aktivno učešće organizacija članica EPAC-a u ovom poduhvatu, kroz niz međunarodnih medijskih događaja tokom 2008. i njenu inaugurálnu konferenciju.

Ohrabruju još jednom antikorupcijske organe da ulože sve moguće napore kako bi učestvovali u delegacijama svojih država na drugom zasijedanju država članica UN Konvencije protiv korupcije u Indoneziji, od 28. januara do 1. februara 2008., kako bi osigurali konkretne rezultate ovog važnog procesa širom svijeta;

Ponovno potvrđuju svoju potpunu posvećenost uspostavljanju formalnije mreže kontakt osoba u Evropi;

Pozdravljaju uspjeh prve međunarodne ljetnje škole za antikorupciju održane u Altlengbachu/Austrija, koja je takođe promovisana putem EPAC-ovih kanala i pozdravljaju organizovanje ove škole u 2008, koja će omogućiti novu priliku za razmjenu znanja između naučne i operativne antikorupcijske zajednice unutar EU i šire;

Nastavljaju da prate Međunarodnu asocijaciju antikorupcijskih organa, podsjećajući na učešće EPAC-a kao posmatrača na drugoj godišnjoj konferenciji i generalnom sastanku IAACA-a u Indoneziji od 21 – 24. novembra 2007;

Prepoznaju i pozdravljaju rad i rezultate "Konferencije 2007 "PO principi", "AC standardi" i "EPAC strategija" radnih grupa i saglasile se da podrže i formiraju sledeće radne grupe u 2008-oj: "PO principi" (Predsjedavajući: Engleska & Vels), 'AC standardi' (Predsjedavajući: Litvanija i Letonija), "2008 Konferencija" (Predsjedavajući: Engleska i Vels), "EPAC Tranziciona kooperacija i razmjena kadrova" (Predsjedavajuća: Belgija), "EPAC Komunikacija" (Predsjedavajuća: Austrija). Ove radne grupe će prezentovati svoje rezultate najkasnije na narednoj konferenciji u 2008;

Prepoznaju i pozdravljaju napore i doprinos članova Austrije i Belgije, BIA i Komitet P, što su omogućile funkcionisanje sekretarijata i predsjedavale Mrežom;

Pozdravljaju organizovanje osme EPAC godišnje profesionalne konferencije tijela za nadzor policije i antikorupcijskih organa država članica EU, koja će se održati u jesen 2008. u Ujedinjenom Kraljevstvu. Nezavisna Komisija za pritužbe na rad policije Engleske i Velsa ponudila je da bude domaćin ove konferencije. Članice koje su već organizovale konferencije, kao i dvije države koje su predsjedavale rado će ponuditi podršku i pomoć na osnovu stečenog iskustva;

Predlažu da tekst Deklaracije bude široko distribuiran od strane relevantnih tijela za kontrolu rada policije i antikorupcijskih organa u njihovim državama i da ga Sekretarijat i država domaćin konferencije podnese Predsjedavajućem EU i Evropskoj komisiji.